

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 2 June, 2014 (A)

Aset dana pencer menaik



RITA BENOY
BUSHON

» Pelaburan
KWSP perlu
imbangi
profil risiko

Kumpulan Wang Simpanan Pekerja (KWSP) mencatatkan peningkatan sebanyak 57.7 peratus bagi pendapatan pelaburan kepada RM8.83 bilion berbanding suku sama pada tahun lalu, dengan mengambil peluang kecairan dalam pasaran ekuiti global.

Berikutan itu, jumlah aset KWSP juga meningkat sebanyak RM10.4 billion kepada RM597 billion pada 31 Mac 2014.

Pada masa sama, dengan pelaburan ekuiti yang sememangnya adalah aset yang lebih berisiko, merangkumi sebahagian besar portfolio pelaburan KWSP sebanyak 43 peratus, dana pencer itu perlu mengimbangi profil risiko-pulangan bagi portfolio pelaburannya.

Dalam hal berasingan, Sime Dar-

by Bhd menjual balik 9.9 peratus pegangannya dalam Eastern & Oriental (E&O) kepada Pengarah Urusan E&O, Datuk Terry Tham Ka Hon.



Risiko geopolitik semakin memuncak di rantau ini dengan tunjuk perasaan anti China di Vietnam dan rampasan kuasa tentera di Thailand.

Ahli strategik politik berpandangan perkembangan ini boleh memberi kesan negatif kepada syarikat tersenarai tempatan”

Sime Darby untung RM56 juta

Walaupun Sime Darby memperoleh keuntungan sebanyak RM56 juta daripada transaksi itu dan masih kekal sebagai pemegang saham yang mempunyai 22 peratus kepentingan dalam E&O, transaksi berkenaan memberi mesej kepada pasaran bahawa Sime Darby tidak berhasrat membeli keseluruhan kepentingan E&O.

Harga jualan oleh Sime Darby yang mewakili 26 peratus premium ke atas kos pembeliannya adalah premium sebanyak 23 peratus ke atas, harga penutupan akhir saham E&O dan 130 peratus lebih tinggi daripada nilai aset ketara bersih (NTA) sebanyak RM1.26 sesaham.

Oleh itu, harga rujukan baru E&O kini dinilai sebanyak RM2.90 sesaham.

Sejak kebelakangan ini, risiko geopolitik semakin memuncak di rantau ini dengan tunjuk perasaan anti China di Vietnam dan rampasan kuasa tentera di Thailand.

Pelbagai ahli strategik politik berpandangan bahawa perkembangan ini hanya bersifat sementara, na-

mun boleh memberi kesan negatif kepada syarikat tersenarai tempatan yang mempunyai pelaburan di negara berkenaan.

Pelan hadapi risiko perniagaan

Walaupun masih pada peringkat awal, kami berharap syarikat yang mempunyai operasi di negara yang terbabit mempunyai pelan untuk menghadapi atau mengurangkan risiko perniagaan, jika mereka terjejas oleh kekacauan yang berlaku.

Akhir sekali, syabas kepada pasukan Piala Thomas negara. Meskipun gagal untuk meraih kejuaraan yang dinanti-nantikan sejak 22 tahun yang lalu, pasukan negara akhirnya layak ke perlawanan akhir.

Pencapaian ini menyedarkan semua pihak bahawa pasukan badminton masih berupaya menghargai nama negara.



Penulis

ialah Ketua Eksekutif Badan Pengawas Pemegang Saham Minoriti Bhd (MSWG)